



Inatsisartuni ilaasortaq,  
Knud Mathiasen, Naleraq  
Maani/

**§ 37 naapertorlugu apeqquteqaammut nr. 135-2024 Tasiilami eqqaanilu aamma Ittoqqortoormiini nannuttasseeqqinnissamut Naalakkersuisut pilersaaruteqarnersut tunngasumut akissuteqaat**

Inatsisartut suleriaasissaanni § 37-mi imm. 1 naapertorlugu apeqqutini Naalakkersuisunut nassiusaqarsimavutit, Tasiilami eqqaanilu aamma Ittoqqortoormiini nannuttasseeqqinnissamut Naalakkersuisut pilersaaruteqarnersut tunngasunik. Apeqqutit uanga suliassaqarfisannut akisassanngortinneqarsimapput.

**Apeqqut 1) Tasiilami eqqaanilu nannuttasseeqqinnissamut Naalakkersuisut pilersaaruteqarpat?**

**Akissuteqaat)**

Aalisarnermut Piniarnermullu Naalakkersuisoqarfik Tasiilami nannuttassat immikkut 15-nik ilaneqarnissaat pillugu qinnuteqaammik Tasiilami aalisartut piniartullu peqatigiiffianniit Siammasissukkunniit ulloq juunip 3-anni 2024 tigusaqarpoq.

Tasiilami nannuttassat ilaneqarnissaat pillugu qinnuteqaat Naalakkersuisoqarfimmiit itigartinneqarpoq. Naalakkersuisut ulloq novembarip 29-anni 2023 nannuttassat 2024-mut atuuttussat pillugit aalajangiinerat innersuussutigineqarpoq. Tasiilami 2024-mut nannuttassat 25-iunissaat tassani aalajangerneqarpoq, pisassallu tamakkerneqareerlutik.

Naalakkersuisut Tasiilami eqqaanilu nannuttasseeqqinnissamut pilersaaruteqanngillat.

**Apeqqut 2) Ittoqqortoormiini nannuttasseeqqinnissamut Naalakkersuisut pilersaaruteqarpat?**

**Akissuteqaat)**

Aalisarnermut Piniarnermullu Naalakkersuisoqarfik Ittoqqortoormiini nannuttassat immikkut ilaneqarnissaat pillugu qinnuteqaammik Ittoqqortoormiini piniartut peqatigiiffianniit ulloq aprilip 17-anni 2024 tigusaqarpoq.

Ittoqqortoormiini nannuttassat ilaneqarnissaat pillugu qinnuteqaat Naalakkersuisoqarfimmiit itigartinneqarpoq. Naalakkersuisut ulloq novembarip 29-anni 2023 nannuttassat 2024-mut atuuttussat pillugit aalajangiinerat innersuussutigineqarpoq. Ittoqqortoormiini 2024-mut nannuttassat 35-iunissaat tassani aalajangerneqarpoq, pisassallu tamakkerneqareerlutik.

Naalakkersuisut Ittoqqortoormiini nannuttasseeqqinnissamut pilersaaruteqanngillat.

Inussiarnersumik inuulluaqqusillunga

Kim Kielsen  
Aalisarnermut Piniarnermullu Naalakkersuisoq

Ulloq: 24-06-2024  
Suliap normua: 2024 - 12591  
Akt normu: 92763644

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apri@nanaq.gl  
www.naalakkersuisut.gl